



## 21. kantonalno saobraćajno obrazovno takmičenje Banovići 2017

Završnica 21. saobraćajno obrazovnog takmičenja učenika osnovnih škola Tuzlanskog kantona kao i nekoliko prošlih godina organizovana je u Banovićima, ali ovoga puta neposrednu organizaciju završnice odradila je sa dosta iskustva OŠ Grivice, koja je bila i nekoliko puta domaćin i organizator saobraćajnih takmičenja.

Na ovogodišnje finalno kantonalno takmičenje plasirala su se 34 učenika i 33 učenice iz 18 osnovnih škola.

Nakon izvršenog teoretskog dijela takmičenja upriličeno je otvaranje na kojem se prisutnima obratio Ozren Božanović izvršni direktor Tuzamka, a takmičenje je otvorio predsjednik, Skupštine Banovići Nermin Delagić.

Nakon obrade rezultata testiranja za dalji tok takmičenja plasirali su se 20 djevojčica i 17 dječaka. Pokazano znanje na testovima bilo je u skladu sa pokazanim znanjem zadnjih nekoliko takmičenjima jer maksimalan broj bodova u te-





oretskom dijelu postiglo 8 dječaka i pet djevojčica.

Nakon provedenog praktičnog dijela takmičenja maksimalan broj poena postiglo je šest dječaka i tri djevojčice, te se morao radi plasmana voziti tkz."puž".

Prvu poziciju osvojio je **Osman Selimović** iz Džakula, dok je drugi bio **Hamza Žilić** iz Rapatnice ispred školskog kolege **Saida Vikala**. Za državno takmičenej su se još plasirali **Armin Bijelić** iz Poljica koj je bio četvrti i **Aldin Alikadić** iz Kladnja koji je bio peti.

Kod djevojčica prva je bila **Amra Muratović** iz Podorašja, dok je druga **Azra Vehibović** iz Rapatnice. Treće mjesto pripalo je **Šejli Šerifović** iz Humaca.

Na državno takmičenje još su se plasirali **Narcisa Kišić** iz Džakula i **Azra Hamidović** iz Sokola.

Ukupno gledano pokazani rezultat je nešto bolji nego prošlih godina što je uglavnom produkt kontinuiranog rada u određenom broju škola koje se već duži niz godina pojavljuju kao favoriti. Ovome u prilog idu finalni rezultati gdje je 16 dječaka i 18 djevojčica osvojilo 80% potrebnih bodova, a 13 dječaka i 17 djevojčica 90% potrebnih bodova. Vidljivo je da su u plasmau određivale nijanse.

Na kraju treba konstatovati da je u ovoj godini ovo takmičenje medijski lošije popraćeno nego prošlih godina.



# 1. trka Karting kupa Bingo 2017.

Početkom maja održana je prva trka klupskog karting za kup 2017 godinu. Trka je bila predviđena za održavanje u sklopu proljetnog tuzlanskog Rally-ja, ali je zbog loših vremenskih uslova odgođena za početak maja. Trka je vožena, kao i sve karting trke do sada, na parkingu Bino centra Šički brod.

Karting sport je postao je veoma popularan naročito kod mlade populacije, te se na zahtjev sve većeg broja vozača klub o-predijelio da kup 2017 godine bude takmičenje u tri klase koje su propisane u



opštem i tehničkom pravilniku Sportskog auto moto saveza Bosne i Hercegovine. Prva klasa namijenjena je za vozače od 7 do 10 godina i voze se kartinzi zapremine 60 ccm<sup>3</sup>. U ovoj klasi prvo mjesto je osvojila **Melina Tučić**, za koje je značajno napomenuti da je bila

pobjednik u ovoj klasi u dvije prethodne godine, Iza nje sa minimalnim zakašnjnjem bio je **Dino Mujanović** a trećeplasirana u ovoj klasi je **Erna So-ljankić**. Druga klasa je vožena sa motorima 80 ccm<sup>3</sup>, a svoju prvu zvaničnu pobjedu slavio je **Muhamed Bureković**, dru-





go mjesto zauzeo je **Enis Soljankić**, a treći je bio **Amir Ajdaslić**. Treća klasa je rezervisana za vozila sa 100 ccm3 junior, a pobjednik je **Sandro Tešanović** za kog aje ovo takođe prva zvanična pobjeda. Drugi je bio **Enis Soljankić**, a treće je bio **Dino Mujanović** koji je imao problema sa proklizavanjem guma. Medalju za najbrži krug trke osvojila je **Melina Tučić**. Medalju za namladeg takmičara dobila je **Erna Soljankić**, a medalju za fer

plej dobio je **Almir Bajrić**. Napomenimo i to da je direktor trke bio **Mustafa Behlilović**, sudija specijalističkog ranga, a glavni sudija **Nermin Mujčinović**, sudija državnog ranga. Na kraju su dodijeljene i zahvalnice za sponzorstvo i pomoć oko organizacije trke, to su već standardni sponzori Bingo i Nipex tim, posebna zahvalnica dodijeljena je prijateljskom Karting klubu Živinice.

## MK Geargrinder" - Saobraćajno preventivna akcija za motocikliste

Moto klub "Geargrinder" Tuzla organizovao je promotivnu akciju saobraćajne kulture vezanu za sigurnost u saobraćaju motociklista. U ove aktivnosti uključio se i Tuzamk te pomogao u organizaciji takmičenja motorista, koje je održano na prostoru igrališta Univerzitetske dvorane. Vožena je vožnja na poligonu koji je konstruisao Mustafa Behlilović, a glavni sudija bio je Enes Muminović.



PRESS RELEASE UDRUŽENJA GRAĐANA TUZAMK TUZLA. TEKSTOVE I FOTOGRAFIJE URADILI ČLANOVI SEKCIJA UDRUŽENJA.

ŠTAMPA : SOREL TUZLA